



Broj: 02-A-2615/23
Datum: 14.12.2023. godine

Na osnovu člana 3. Programa obuke i osposobljavanja spasilaca na uređenim kupalištima („Službene novine Kantona Sarajevo“, broj: 23/18), Centar za obuku i osposobljavanje spasilaca, instruktora i voditelja Spasilačkih timova (u daljem tekstu: Centar za obuku spasilaca), koji se organizuje pri JP „Olimpijski bazen Otoka“ d.o.o. Sarajevo, raspisuje:

JAVNI POZIV

Za prijavu kandidata za obuku i osposobljavanje spasilaca na vodi na uređenim kupalištima

I. Pravo prijave na javni poziv imaju lica koja ispunjavaju slijedeće uslove:

- Minimum 18 godina života
- Minimum SSS
- Psiho-fizička zdravstvena sposobnost

II. Kandidati su uz prijavu dužni dostaviti slijedeće dokumente (original ili ovjerene kopije, ne starije od 6 mjeseci):

- Diplomu o završenoj školi;
- Izvod iz matične knjige rođenih;
- Uvjerenje o psihičko-fizičkoj sposobnosti (ljekarsko uvjerenje), na kojem je obavezno naznačiti da je kandidat sposoban da prođe obuku i osposobljavanje za polaganje ispita za spasioca;
- Dokaz o izvršenoj uplati troškova za obuku i osposobljavanje za spasioca.

III. Prethodna provjera sposobnosti

Kandidati koji prođu prethodnu provjeru sposobnosti, u skladu sa članom 4. Programa obuke i osposobljavanja spasilaca na uređenim kupalištima, a koja se obavlja po slijedećim kriterijima:

a) Plivanje 50 m za 50 sec i bolje

b) Ronjenje na dah 20 m i bolje

c) Plivanje 300 m za 6 min i 20 sec i bolje,

pristupit će programu obuke i osposobljavanja, koji će biti realizovan u koordinaciji JP „Olimpijski bazen Otoka“ d.o.o. Sarajevo - Centra za obuku spasilaca, Fakulteta sporta i tjelesnog odgoja Sarajevo i Crvenog krsta/križa FBiH, a usklađen sa ISS programom obuke spasilaca na vodi. U sklopu javnog poziva vrši se i obnova certifikata.

Nakon završene obuke, kandidati će polagati završni ispit, a kandidatima koji su uspješno završili kurs i položili praktični i teoretski ispit ili godišnju provjeru znanja, JP „Olimpijski bazen Otoka“ d.o.o. Sarajevo - Centar za obuku spasilaca će izdati uvjerenje i legitimaciju za spasioca na vodi.

IV. Podnošenje prijave na javni poziv i troškovi polaganje ispita

Obrazac Prijave je dostupan na web stranici JP „Olimpijski bazen Otoka“ d.o.o. Sarajevo (www.bazen.ba).

U slučaju dostavljanja nepotpune prijave za polaganje ispita, JP „Olimpijski bazen Otoka“ d.o.o. Sarajevo - Centar za obuku spasilaca će pismenim putem pozvati kandidata da dopuni prijavu.

Troškove polaganja ispita mogu snositi:

- a) Lično kandidat
- b) Pravno lice, državni organ ili druga institucija za kandidate, koje uputi na obuku.

Troškovi polaganja ispita iznose 380,00KM, a uplaćuje se na transakcijski račun JP „Olimpijski bazen Otoka“ d.o.o., broj: 141-001-00062973-08 kod BBI banke, sa naznakom „Troškovi polaganja ispita za spasioca na vodi“. Kurs će se organizovati po prijemu najmanje 5 prijava.

Javni poziv će biti objavljen na oglasnoj ploči i web stranici JP „Olimpijski bazen Otoka“ d.o.o.

Javni poziv ostaje stalno otvoren do opoziva koji se mora objaviti na isti način kao i sam Javni poziv.



dr Avdija Hasanović
direktor